



ЎЗБЕКИСТОН РЕСПУБЛИКАСИ МУДОФАА ВАЗИРЛИГИ
ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИ
ЎЗБЕКИСТОН РЕСПУБЛИКАСИ ЁШЛАР СИЁСАТИ ВА СПОРТ
ВАЗИРЛИГИ
ЎЗБЕКИСТОН РЕСПУБЛИКАСИ КАМБАҒАЛЛИКНИ
ҚИСҚАРТИРИШ ВА БАНДЛИК ВАЗИРЛИГИ
ЎЗБЕКИСТОН РЕСПУБЛИКАСИ МУДОФААСИГА
КЎМАКЛАШУВЧИ “ВАТАНПАРВАР” ТАШКИЛОТИ МАРКАЗИЙ
КЕНГАШИ

Ички ишлар органлари профилактик ҳисобида турган ҳамда ҳуқуқбузарликка мойил ёшларни ҳарбий-ватанпарварлик руҳида тарбиялаш ва ўқитиш бўйича “Жасорат мактаби” ҳарбий-ватанпарварлик ўқув йиғинини ташкил этиш ва ўтказиш тўғрисида

Ўзбекистон Республикаси Президенти, Қуролли Кучлар Олий Бош қўмондони Ш. Мирзиёевнинг 2023 йил 13 январь Хавфсизлик кенгашининг кенгайтирилган йиғилишида “Жиззах тажрибаси” асосида профилактик ҳисобда турган ҳамда тарбияси оғир ёшлар билан “Жасорат мактаби” ҳарбий-ватанпарварлик ўқув йиғинларини ягона ёндашув асосида бошқа вилоятларга татбиқ этиш бўйича берган топшириқлари ҳамда жорий йил 14-15 февраль кунлари Жиззах вилоятида ўтказилган республика амалий семинари натижалари, семинар иштирокчиларининг таклиф ва тавсияларини инобатга олган ҳолда, ички ишлар органлари профилактик ҳисобида турган ҳамда тарбияси оғир ёшларни ҳарбий-ватанпарварлик руҳида тарбиялаш ва ўқитиш мақсадида Ўзбекистон Республикаси Мудофаа вазирлиги, Ўзбекистон Республикаси Ички ишлар вазирлиги, Ўзбекистон Республикаси Ёшлар сиёсати ва спорт вазирлиги, Ўзбекистон Республикаси Камбағалликни қисқартириш ва бандлик вазирлиги, Ўзбекистон Республикаси мудофаасига кўмаклашувчи “Ватанпарвар” ташкилоти Марказий кенгаши **қарор қилади:**

1. 2023 йилдан бошлаб, республика бўйича профилактик ҳисобда турган ҳамда тарбияси оғир ёшларни ҳарбий-ватанпарварлик руҳида тарбиялаш ва ўқитиш бўйича “Жасорат мактаби” ҳарбий-ватанпарварлик ўқув йиғинини (кейинги ўринларда ҳарбий ўқув йиғини деб юритилади) ташкил этиш йўлга қўйилсин.

2. Қуйидагилар:

Профилактик ҳисобда турган ҳамда тарбияси оғир ёшларни ҳарбий-ватанпарварлик руҳида тарбиялаш ва ўқитиш бўйича ҳарбий ўқув йиғинини ташкил этиш низоми 1-иловага;

ҳарбий ўқув йиғинини ташкил этиш бўйича масъул вазирлик ва идоралар вазифалари 2-иловага;

ҳарбий ўқув йиғинини ташкил этишнинг намунавий дастури 3-иловага;

ҳарбий ўқув йиғинини ташкил этиш бўйича республика ташкилий қўмитаси таркиби 4-иловага мувофиқ тасдиқлансин.

3. Белгилансинки, Республика ташкилий кўмитаси таркибига киритилган вазирлик ва ташкилотларнинг, ҳудудий тузилмалари ҳарбий ўқув йиғинини ташкил этиш ва ўтказиш бўйича масъуллиги белгилансин.

4. Ўтказиладиган тадбирлар оммавий ахборот воситалари ва ижтимоий тармоқларда кенг ёритилсин.

5. Ҳарбий ўқув йиғинини ўтказишга масъул вазирлик ва ташкилотларнинг фаолияти Ўзбекистон Республикаси Ёшлар сиёсати ва спорт вазирлиги томонидан мувофиқлаштириб борилсин.

6. Қўшма қарор ижросининг назорати масъул вазирликлик ва идораларнинг тегишли бўлимлари зиммасига юклатилсин.

Ўзбекистон Республикаси
Мудофаа вазири ўринбосари

Тошкент ш.

2023 йил "16" март
14/722 - сон



Х. Қаршиев

Ўзбекистон Республикаси
Ички ишлар вазири ўринбосари

Тошкент ш.

2023 йил "16" март
7 - сон



Б. Абдуллаев

Ўзбекистон Республикаси
Ёшлар сиёсати ва спорт вазирининг
биринчи ўринбосари

Тошкент ш.

2023 йил "16" март
01-07/03 - сон



А. Саъдуллаев

Ўзбекистон Республикаси
Камбағалликни қисқартириш ва
бандлик вазирининг биринчи
ўринбосари

Тошкент ш.

2023 йил "16" март
2-к/к - сон



Н. Хусанов

Ўзбекистон Республикаси
Мудофаасига кўмаклашувчи
"Ватанпарвар" ташкилоти марказий
кенгаши раисининг биринчи
ўринбосари

Тошкент ш.

2023 йил "17" март
7/136 - сон



Н. Мулабаев

Ўзбекистон Республикаси Мудофаа вазирлиги,
Ўзбекистон Республикаси Ички ишлар вазирлиги,
Ўзбекистон Республикаси Ёшлар сиёсати ва спорт
вазирлиги, Ўзбекистон Республикаси Камбағалликни
қисқартириш ва бандлик вазирлиги, Ўзбекистон
Республикаси мудофаасига кўмаклашувчи
“Ватанпарвар” ташкилоти Марказий кенгаши
томонидан 2023 йил 16 мартдаги
имзоланган қарорга 1-илова

**Профилактик ҳисобда турган ҳамда тарбияси оғир ёшларни ҳарбий-
ватанпарварлик руҳида тарбиялаш ва ўқитиш бўйича “Жасорат
мактаби” ҳарбий-ватанпарварлик ўқув йиғинини ташкил этиш ва
ўтказиш бўйича
ТАРТИБИ**

“Жасорат мактаби” ҳарбий-ватанпарварлик ўқув йиғинининг (кейинги ўринларда ҳарбий ўқув йиғини деб юритилади) асосий мақсади ички ишлар органлари профилактик ҳисобида турган ҳамда тарбияси оғир ёшларни (кейинги ўринларда профилактик ҳисобда турган ёшлар деб юритилади) Қорақалпоғистон Республикаси, вилоятлар ва Тошкент шаҳрида жойлашган ҳарбий қисмларда уларни ҳарбий-ватанпарварлик руҳида тарбиялаш, келгусида касбга йўналтириш, уларнинг бандлигини таъминлаш ҳамда таъсирчан чоралар кўрилиши оқибатида профилактик ҳисобдан чиқиш ва соғлом турмуш тарзида ҳаёт кечиришга кўмаклашишдан иборат.

Шунингдек, барча ҳарбий-маъмурий секторларда профилактик ҳисобда турган ёшлар билан ўтказиладиган ҳарбий-ватанпарварлик йиғинларини ташкил этишда “Жиззах вилояти тажрибаси”ни кенг татбиқ этиш, ўқув йиғини ташкил этишда ягона ёндашувга эришиш ҳамда мутсадди вазирлик ва идоралар, давлат ва жамоат ташкилотларини кенг жалб этишдан иборат.

I. Умумий қоидалар

1. Ўзбекистон Республикаси Мудофаа вазирлиги, Ўзбекистон Республикаси Ички ишлар вазирлиги, Ўзбекистон Республикаси Ёшлар сиёсати ва спорт вазирлиги, Ўзбекистон Республикаси Камбағалликни қисқартириш ва бандлик вазирлиги, Ўзбекистон Республикаси мудофаасига кўмаклашувчи “Ватанпарвар” ташкилоти Марказий Кенгаши ва уларнинг ҳудудий бўлинмалари (кейинги ўринларда ташкилотчилар деб юритилади) профилактик ҳисобда турган ёшларни ҳарбий ўқув йиғинига мазкур Тартиб асосида жалб этишни амалга оширади.

2. Профилактик ҳисобда турган ёшларни ҳарбий ўқув йиғинига жалб этиш борасидаги тадбирлар Ўзбекистон Республикаси Ёшлар сиёсати ва спорт вазирлиги томонидан мувофиқлаштирилиб борилади.

3. Ҳарбий ўқув йиғинларига жалб этилган ёшларни ўқув йиғини якунига кўра, касбга йўналтириш, бандлигини таъминлаш ҳамда ҳуқуқ-атворининг ижобий томонга ўзгариши кузатилган тақдирда муддатидан олдин профилактик ҳисобдан чиқариш чоралари кўрилади.

4. Ҳарбий ўқув йиғини алоҳида дастур доирасида амалга оширилиб, давомийлиги ўн кундан иборат бўлади.

II. Ўқув йиғини доирасида ўтказиладиган лойиҳа ва тадбирлар

5. Ҳарбий ўқув йиғини қуйидаги йўналишларда ташкил этилади:

Ҳарбий ўқув йиғинига старт бериш;

йиғин иштирокчилари билан социометрик сўровнома ўтказиш;

ҳарбий ўқув йиғинини дастури билан таништириш, гуруҳларга ажратиб, машғулотлар ташкил этиш.

6. Ҳарбий ўқув йиғинида қуйидаги профилактик тадбирлар ташкил этилади:

миллий ватанпарварлик фильмлари намойишини ташкил этиш;

маънавий-маърифий билимларни ошириш бўйича семинар ўтказиш;

“Заковат” интеллектуал ўйинини ташкил қилиш;

“Қувноқлар ва зукколар” танловини ўтказиш;

вақтни тўғри тақсимлаш, ўз-ўзини ривожлантириш ва мотивацион семинар-тренинг ўтказиш;

юксак тажрибали, муваффақиятга эришган шахслар ва ёшлар учрашувларини ўтказиш;

тарихий воқеалар сахналантирилган театр намойишини ташкил қилиш;

музей, маданий ва тарихий обидаларларга саёҳат;

саф тайёргарлиги;

жанговар тайёргарлик машғулотлари;

спорт-соғломлаштириш мусобақалари;

ўқув йиғинининг тантанали ёпилиш маросими.

7. Ҳарбий ўқув йиғини давомида юзага келган ҳолатлардан келиб чиқиб, ташкилотчилар томонидан бошқа тадбирлар ҳам ўтказилиши мумкин

8. Ўқув йиғинига старт бериш:

Ўқув йиғини иштирокчилари ҳудудларда жойлашган Ёшлар марказларида масбул ташкилотлар билан биргаликда кутиб олинади ва ҳарбий қисмга олиб борилади. Шунингдек, иштирокчилар тиббий кўриқдан ўтказилиб, ҳарбий кийим-кечак билан таъминланади. Ўқув йиғини тантанали очилиш маросимида дастур асосида буюк сиймоларни театрлаштирилган сахна кўринишлар, спортчилар ва ҳарбийларнинг кўргазмали чиқишлари намойиш этилади.

9. Ўқув йиғин иштирокчилари билан социометрик сўровнома ўтказиш:

Социометрик сўровномда йиғин иштирокчиларининг қизиқишлари, дунёқараши, руҳий кечинмалари ва ҳолати аниқлашга оид саволлар берилиб, ҳар бирига алоҳида ташхис қўйилади. Натижадорликни баҳолаш мақсадида ушбу сўровнома йиғин бошланганда ва якунида бир мартадан мутахассис психологлар томонидан ташкил этилади ва баҳоланади.

10. Ўқув йиғинини дастури билан таништириш, гуруҳларга ажратиб, машғулотлар ташкил этиш:

Ўқув йиғини маъмурияти томонидан иштирокчиларга ўқув йиғини дастури таништирилади ва ички тартиб қоидалари тушунтирилади ҳамда гуруҳларга бўлинади, ҳар бир гуруҳларга ном берилиб, гуруҳ сардорлари тайинланади.

(1-4 гуруҳлар 100 нафар):

1-гуруҳ “Ёш ҳаваскор тадбиркорлар гуруҳи”;

2-гуруҳ “Ёш IT дастурчилар гуруҳи”;

3-гуруҳ “Ёш агрономлар гуруҳи”;

4-гуруҳ “Ёш дурадгорлар гуруҳи”.

11. “Миллий ватанпарварлик кинофильмлари намойиши”:

Ўқув йиғин иштирокчиларининг ватанпарварлик, Ватанга садоқат туйғуларини мустаҳкамлашга қаратилган миллий-ватанпарварлик, тарихий фильмлар намойиш этилади.

12. Маънавий-маърифий билимларни ошириш:

Йиғин иштирокчилари учун “Жаҳон ва минтақадаги ҳарбий-сиёсий вазият тўғрисида умумий тушунча”, “Жалолiddин Мангубердининг жаҳон ҳарбий санъати ривожига қўшган ҳиссаси”, “Амир Темурнинг ҳарбий юришлари ва жаҳон ҳарбий санъати ривожига қўшган ҳиссаси”, “Заҳриддин Муҳаммад Бобурнинг бой маънавий мероси”, “Ўзбек давлатчилигининг шаклланиш тарихи”, “Миллий маънавий мерос ва қадириятлар, уларнинг оммавий маданият билан муносабати” каби мавзуларда ўқув-дарслари ва ўзаро дебат муҳокамалари ташкил этилади.

13. “Заковат” интеллектуал ўйини:

Гуруҳларга бўлинган йиғин иштирокчилари ўртасида “Заковат” интеллектуал ўйини ташкил этилади. Маънавий-маърифий, тарихий, мантиқий йўналишларда саволлар берилади.

14. “Қувноқлар ва зукколар” танлови:

Гуруҳларга бўлинган йиғин иштирокчилари ўртасида “Қувноқлар ва зукколар” танлови ташкил этилади. Танловнинг биринчи шarti “Беш карра беш – йигирма беш” танишув шarti бўлиб, бунда жамоаларга ўзларини характериға эға бўлган кўринишлари, ҳазил-мутойиба, куй-қўшиқ, ракс ва бошқа сатирик-юмористик сахна кўринишлари уйғунлашган ҳолда чиқишлари тавсия этилади.

Иккинчи “Зукко, зийрак иштирокчи” савол жавоби шarti – жамоаларнинг жамоавий тартибда бир-бирларига қизиқ (мантиқий) саволлар бериши ва саволларға жавоб топишиға асосланган.

“Бизда ҳаммаси 5” қувноқ чиқиш шarti – мусиқалар, қўшиқлар, таниқли санъаткорлар қўшиқларига ўхшатмалардан кенг фойдаланган ҳолда ҳаётда учрайдиган турли қизиқ воқелик, иллат, камчиликлар кулгу остиға олинган, тарбиявий хусусиятға эға театрлаштирилган лавҳалардан иборат бўлади.

Шартлар ҳакамлар ҳайъати томонидан баҳоланади ва ғолиб жамоа аниқланиб, йиғиннинг ёпилиш маросимида тантанали тақдирланади.

15. Мотивацион семинар-тренинг ўтказиш:

Йиғин иштирокчилари учун “Муваффақиятга эришиш сирлари” мавзусида мотивацион семинар-тренинг ўтказилади. Психологик ўйинлар ташкил этилади.

16. Юксак тажрибага эга бўлган, муваффақиятга эришган шахслар билан ёшлар учрашувларини ўтказиш:

Ўқув йиғини иштирокчилари учун “Ўзбекистон Қаҳрамони ва ёшлар”, “Сенатор (депутат) ва ёшлар”, “Прокурор ва ёшлар”, “Генерал ва ёшлар” учрашувлари (гулхан атрофида), “Авлодлар учрашуви” (энг намунали ҳарбий хизматчилар, Куролли Кучлар фахрийлари (мамлакат ривожига муносиб ҳисса қўшиб келаётган ҳарбийлар билан), “Тадбиркор ва ёшлар учрашуви”ни ташкил этилади.

17. Тарихий воқеалар сахналаштирилган театр намоишини ташкил қилиш:

Ўқув йиғини иштирокчилари учун буюк аجدодларимиз қаҳрамонликлари акс этирилган театрлаштирилган сахна кўринишларини намоиш этилади.

18. Музейларга саёҳатни ташкил қилиш:

Ўқув йиғини иштирокчиларини ҳудудларда жойлашган қишлоқ хўжалиги, табиатшунослик, санъатшунослик, адабиёт, техника музейларига олиб борилади ва батафсил маълумотлар берилади.

19. Саф тайёргарлигини ўтказиш:

Ўқув йиғини иштирокчиларига ҳарбийлар томонидан сафда туриш ва унинг элементлари ўргатилади ва машқ қилинади.

20. Жанговар тайёргарлик машғулотларини ўтказиш:

Ўқув йиғини иштирокчиларига ҳарбийлар томонидан қуролдан фойдаланиш, отиш назарияси, муҳандислик, ОКҚХ, ҳарбий топография, алоқа жараёнлари ўргатилади. Амалий ўқ отиш тренажор машқлари амалий ташкил этилади. Ҳарбий билимлар бериб борилади.

21. Спорт мусобақаларини ўтказиш:

Ўқув йиғини иштирокчиларини жисмоний фаоллигини ошириш, улар ўртасида дўстона муносабатни ўрнатиш мақсадида гуруҳлар ўртасида Округ кўмондони кубоги учун ҳарбий эстафета мусобақалари, “Миллий кураш” тури бўйича вилоят ДХХ бошқармаси бошлиғининг соврини учун мусобақа, “Минни футбол” тури бўйича вилоят ҳокими соврини учун мусобақа ўтказилади. Ғолиблар йиғиннинг ёпилиш маросимида эсталик совғалари билан тақдирланади.

22. Йиғиннинг тантанали ёпилиш маросимини ўтказиш:

Ўқув йиғини давомида фаол иштирок этган, ўтказилган мусобақаларда ғолибликни қўлга киритганларни тақдирлаш маросими ва концерт дастури алоҳида режа-дастур асосида ташкил этилади. Йиғин давомида ҳар бир йиғин иштирокчиси тўғрисида тўпланган маълумотлар асосида касб-хунар

мактаблари, ёшлар марказларида ташкил этилган тўғаракларга йўланма берилади. Фотосессия ташкил этилиб, йиғин иштирокчиларни кузатилади.

III. Яқуний қондалар

23. Қорақалпоғистон Республикаси, вилоятлар ва Тошкент шаҳрида жойлашган ҳарбий қисмларда **ўн кун** давомида (*қелишилган тартибда*) ўтказилади.

24. Ҳарбий ўқув йиғини бўйича ишчи гуруҳлар тузилиб, танлов ва мусобақаларда ҳакамлик қилиш учун малакали эксперт ва мутахассислар жалб этилади.

25. Ҳарбий ўқув йиғинида гуруҳларнинг йўналишлари бўйича туманлардан шакллантирилган 4-6 нафардан ички ишлар органлари профилактик ҳисобида турган ҳамда ҳуқуқбузарликка мойил ёшлар иштирок этади.

26. Ҳарбий ўқув йиғинини ташкил этиш билан боғлиқ харажатлар Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг маблағлари ҳисобидан амалга оширилади.

27. Ҳарбий ўқув йиғини иштирокчилари учун ташкилотчилар томонидан спорт кийимлари ва қўшимча совғалар ажратилади.

28. Ҳарбий ўқув йиғинида ташкил этиладиган танлов ва мусобақалар голиблари (1-3 ўрин), тадбир ҳамда лойиҳаларда фаол иштирок этган ёшлар совғалар, шунингдек, диплом ва ташаккурномалар билан рағбатлантирилади.

29. Ҳарбий ўқув йиғини жараёнлари оммавий ахборот воситалари, жумладан, телевидение ва ижтимоий тармоқларда **махсус медиа режа** асосида ёритиб борилади.

30. Йиғин жараёни ва унда бўлиб ўтадиган тадбирларни ёритиш бўйича **кичик мобил гуруҳлар** фаолият олиб боради.

Ўзбекистон Республикаси Мудофаа вазирлиги,
Ўзбекистон Республикаси Ички ишлар вазирлиги,
Ўзбекистон Республикаси Ёшлар сиёсати ва спорт
вазирлиги, Ўзбекистон Республикаси
Камбағалликни қисқартириш ва бандлик вазирлиги,
Ўзбекистон Республикаси мудофаасига
кўмаклашувчи “Ватанпарвар” ташкилоти Марказий
кенгаши томонидан 2023 йил 16 мартдаги
имзоланган қарорга
2-илова

**Профилактик ҳисобда турган ҳамда тарбияси оғир ёшларни ҳарбий-
ватанпарварлик руҳида тарбиялаш ва ўқитиш бўйича “Жасорат
мактаби” ҳарбий-ватанпарварлик ўқув йиғинини ташкил этиш ва
ўтказиш бўйича вазифалар**

ТАҚСИМОТИ

Ўзбекистон Республикаси Мудофаа вазирлиги:

“Жасорат мактаби” ҳарбий-ватанпарварлик ўқув йиғинини ўтказиладиган ҳарбий қисм ва мусасаларни ажратиш;

Ҳарбий қисмда (муассаса) да ёшлар билан йиғин ўтказиш бўйича 7 кун олдин йиғин маъмурияти таркибини шакллантириш;

Йиғин иштирокчиларини тиббий кўриқдан ўтказиш;

Йиғинни ҳарбий анъаналар асосида тантанали очилиш маросимини ташкил этиш;

Йиғиндан сўнг ёшларни диққатга сазовор жойлар ва музейларга саёҳатини, ҳарбий қисм ва муассасаларда “Очиқ эшиклар кунини”ни ташкил этиш;

Ўзбекистон Республикаси Ички ишлар вазирлиги:

Ёшлар ишлари агентлиги билан биргаликда профилактик ҳисобида турган, ҳуқуқбузарлик содир этишга мойил бўлган 18 ёшдан 23 ёшгача бўлган ёшлар рўйхатини ҳар чорак охириг оининг 15 санасига кейинги чорак учун шакллантиради;

Шакллантирилган рўйхат бўйича ўқув-йиғинига жалб этилган ёшларни ўқув-йиғинига олиб боришда ва олиб келишда йўл ҳаракати хавфсизлигини таъминлайди;

Ўзбекистон Республикаси Ёшлар сиёсати ва спорт вазирлиги:

Ёшлар ишлари агентлиги томонидан ҳудудий ички ишлар органига “Жасорат мактаби” ҳарбий-ўқув йиғини бошланиши тўғрисида йиғин бошланишидан уч кун олдин хабар беради;

Маҳалла фуқаролар йиғини раиси, ёшлар етакчиси ва профилактика инспектори томонидан йиғинга юбориладиган ёшлар рўйхатини

шакллантиради ва уларнинг ота-оналари билан тарғибот-ташвиқот ишлари ўтказилади. Ёшларни йиғинга жалб этишга Ёшлар етакчиси масъуллигида амалга оширилади;

“Жасорат мактаби” ўқув йиғинини ташкиллаштириш юзасидан вилоят Ёшлар ишлари агентлиги ва туман (шаҳар) ҳокимликлари идора ва ташкилотлар масъуллари иштирокида таъсис йиғилишни ташкиллаштириш, зарур топшириқ ва вазифаларни белгилаш (вилоят ҳокимининг тегишли баён топшириғини ишлаб чиқиш);

“Жасорат мактаби” ҳарбий-ватанпарварлик ўқув йиғинини иштирокчиларни вилоят (шаҳар) марказларига олиб келиш ҳамда рўйхатга олиш;

Ички ишлар вазирлиги билан биргаликда йиғин иштирокчиларини йиғин ўтказилиши белгиланган жойга (ҳарбий қисмга) йўл ҳаракати ҳавфсизлиги хизмати кузатувида олиб бориш;

Йиғин иштирокчиларини йиғин ўтказилиши белгиланган жойда (ҳарбий қисмда) ҳарбий оркестр садолари остида кутиб олиш;

“Жасорат мактаби” ўқув йиғинини дастури билан таништириш, йиғин иштирокчиларини қизиқиш ва истакларини инобатга олиб, мутахассисликлар бўйича гуруҳларга бўлиш, гуруҳларни номлаш, гуруҳ сардорларини тайинлаш ҳамда ўқув йиғини маъмурияти томонидан ички тартиб қоидаларни етказиш;

Ўқув йиғини иштирокчилари билан социометрик сўровнома ўтказиш ва **“Менинг ўлкам – менинг фаҳрим”** мавзусида маънавий-марифий учрашувлар ўтказиш;

“Муваффақиятга эришиш сирлари” мавзусида муваффақиятларга эришган йирик тадбиркорлар, таниқли спортчилар иштирокида мотивацион семинар-тренинг ўтказиш ва музей, маданий ва тарихий обидаларларга экскурсиялар уюштириш;

Ҳарбий ўқув йиғини иштирокчилари учун спорт кийимларини ажратиш;

Ҳарбий ўқув йиғинидан сўнг ёшларни меҳнат фаолиятини ва ўқишини мониторингини юритиш.

Ўзбекистон Республикаси Камбағалликни қисқартириш ва бандлик вазирлиги:

“Жасорат мактаби”нинг қисқа муддатли йиғинларга жалб этилган ёшлардан ишсиз фуқароларни ҳудудларда жойлашган “Ишга марҳамат” мономарказларида ўқувларни ташкил қилиш;

Камбағалликни қисқартириш ва бандлик бўлимлари томонидан тегишли тартибда йўлланмалар бериш;

“Жасорат мактаби” тингловчилари ҳудудий меҳнат бозорининг талабидан келиб чиққан ҳолда қуйидаги ўқув курсларга жалб этиш:

1. Электрик;
2. Пайвандлаш;

3. Сартарош (эркаклар сартароши);
4. Сантехник;
5. Алюмин ва пластик профилларга ишлов бериш;
6. Маиший хизмат буюмларини таъмирлаш;
7. Автомобилларга техник хизмат кўрсатиш;
8. Мебель жихозларини таъмирлаш;
9. Иссиқхона монтаж технологи;

Ўқув йиғини давомида тугалланмай қолган курсларни мономарказларда давом этиш ва яқунлаш;

Ўқув курсларини тугатган “Жасорат мактаби” тингловчиларига худудий “Ишга марҳамат” мономарказларининг сертификатини тақдим этиш;

Ўқув йиғинларидан сўнг ёшларни иш билан бандлигини таъминлаш мақсадида шаҳар (туман) сектор раҳбарларига бириктириш;

Шаҳар (туман) секторлар билан биргаликда ўқув курсларини муваффақиятли тугатган “Жасорат мактаби” тингловчиларни бандлигига кўмаклашиш.

**Ўзбекистон Республикаси мудофаасига кўмаклашувчи
“Ватанпарвар” ташкилоти Марказий кенгаши:**

“Жасорат мактаби” ҳарбий-ватанпарварлик ўқув йиғини ўтказиладиган ҳарбий қисм ва муассасаларда ёшлар учун **“Ватанпарварлик – олий мақсадим!”** шиори остида “Ватанпарвар” ташкилоти тизимидаги спорт секциялари ва тўғаракларининг ҳамда техник касбларга тайёрлаш бўйича ўқув курслари моддий техник базасининг кўрғазмаси намойишини ташкил этиш.

“Жасорат мактаби” битирувчилари орасидан “В, С” тоифали автотототранспорт воситалари ҳайдовчилигига ўқиш истагини билдирган ёшларни “Ватанпарвар” ташкилоти тизимидаги ўқув курсларига Ёшлар ишлари агенлиги ҳузуридаги “Ёшлар дафтари” жамғармаси маблағлари ҳисобидан ўқишга йўналтириш.

Ўзбекистон Республикаси Мудофаа вазирлиги,
 Ўзбекистон Республикаси Ички ишлар вазирлиги,
 Ўзбекистон Республикаси Ёшлар сиёсати ва спорт
 вазирлиги, Ўзбекистон Республикаси
 Камбағалликни қисқартириш ва бандлик вазирлиги,
 Ўзбекистон Республикаси мудофаасига
 кўмаклашувчи “Ватанпарвар” ташкилоти Марказий
 кенгаши томонидан 2023 йил 16 мартдаги
 имзоланган қарорга
 3-илова

**Ёшлар билан “Ватанпарварлар” ҳарбий-спорт мусобақаларини
 ташкил этиш ва ўтказиш**

НАМУНАВИЙ ДАСТУРИ

Сана ___ ой ___ кун ___	
08:00 гача	Мусобақа иштирокчиларини белгиланган жойда кутиб олиш ва жойлаштириш
Сана ___ ой ___ кун ___	
08:00-08:30	Иштирокчиларни мусобақа ўтказиладиган манзилга олиб бориш
08:30-12:00	Ҳар бир босқичга алоҳида старт бериш
12:00-13:00	Эстрада ва кино юлдузлари билан учрашувлар ташкил этиш
13:00-14:00	Тушлик
14:00-16:00	Ҳар бир босқичга алоҳида старт бериш
16:00-18:30	Тадбирнинг асосий маросими: Тадбирни очиб бериш _____ – тегишли ташкилий қўмита аъзоси Табрик сўзи: _____ – Маҳаллий ҳокимлик вакили Табрик сўзи: _____ – Худудий Мудофаа бошқармаси вакили
18:30	Мусобақа ўтказилган жойидан _____га барча ўйин иштирокчиларини олиб келиш
20:00	_____дан ўйин иштирокчиларини худудларга кузатиш.

Ўзбекистон Республикаси Мудофаа вазирлиги,
 Ўзбекистон Республикаси Ички ишлар вазирлиги,
 Ўзбекистон Республикаси Ёшлар сиёсати ва спорт
 вазирлиги, Ўзбекистон Республикаси
 Камбағалликни қисқартириш ва бандлик вазирлиги,
 Ўзбекистон Республикаси мудофаасига
 кўмаклашувчи “Ватанпарвар” ташкилоти Марказий
 кенгаши томонидан 2023 йил 16 мартдаги
 имзоланган қарорга
 4-илова

**Ёшлар билан “Ватанпарварлар” ҳарбий-спорт мусобақаларини ташкил
 этиш ва ўтказиш бўйича Республика Ташкилий қўмитаси
 ТАРКИБИ**

1.	Ҳ.Қаршиев	Ўзбекистон Республикаси Мудофаа вазири ўринбосари, Ташкилий қўмита раиси
2.	Б.Абдуллаев	Ўзбекистон Республикаси Ички ишлар вазири ўринбосари, Ташкилий қўмита раисининг ўринбосари
3.	А.Саъдуллаев	Ўзбекистон Республикаси Ёшлар сиёсати ва спорт вазирининг биринчи ўринбосари, Ташкилий қўмита раисининг ўринбосари
4.	Н.Хусанов	Ўзбекистон Республикаси Бандлик ва камбағалликни қисқартириш вазирининг биринчи ўринбосари, Ташкилий қўмита раисининг ўринбосари
5.	Н.Мулабаев	Ўзбекистон Республикаси мудофаасига кўмаклашувчи “Ватанпарвар” ташкилоти Марказий Кенгаши раисининг биринчи ўринбосари, Ташкилий қўмита раисининг ўринбосари
Ташкилий қўмита аъзолари		
6.	Х.Халилов	Мудофаа вазирлиги бош бошқарма бошлиғи
7.	Б.Султонов	Ички ишлар вазирлиги бўлим бошлиғи
8.	А.Муминов	Ёшлар сиёсати ва спорт вазирлиги бўлим бошлиғи
9.	Ф.Ҳамроев	Бандлик ва камбағалликни қисқартириш вазирлиги бошқарма бошлиғи ўринбосари
10.	А.Исраилов	Мудофаа вазирлигига кўмаклашувчи “Ватанпарвар” ташкилоти Марказий кенгаши бўлим бошлиғи
11.	А.Алимов	Ёшлар ишлари агентлиги бўлим бошлиғи, Ташкилий қўмита котиби

Изоҳ: Қорақалпоғистон Республикаси Вазирлар Кенгаши раиси, вилоятлар ва Тошкент шаҳар
 ҳокимларининг ёшлар сиёсати, ижтимоий ривожлантириш ва маънавий-маърифий масалалар
 бўйича ўринбосарлари Ташкилий қўмита аъзолари ҳисобланади.

Ташкилий қўмита аъзоларининг лавозими ва иш жойи ўзгарганда, янги тайинланган номзод
 Ташкилий қўмита таркибига киритилади.